

铜仁府志(据民国缩印本点校)



铜仁府志

(据民国缩印本点校)

中共贵州省铜仁地委档案室
贵州省铜仁地区政治志编辑室

整理

贵州民族出版社

黔新登字 (90) 04 号

责任编辑: 谭良洲

封面设计: 吕风格

铜 仁 府 志

(据民国缩印本点校)

中共贵州省铜仁地委办公室档案室

贵州省铜仁地区志 党群编辑室

整理

贵州民族出版社出版发行

(贵阳市省府大院内)

贵州省新华印刷厂印刷

787×1092 毫米 1/16 印张: 27.25 字数: 650 千

1992 年 8 月第 1 版 1992 年 8 月第 1 次印刷

印数: 1—2000 册

ISBN7-5412-0253-3/K·26 定价: 3.0 元

前 言

遵照中国地方志领导小组《关于开展地方志整理工作问题的决定》和 1984 年 3 月在天津召开的旧方志整理工作会议精神，我们对民国时期的《铜仁府志》缩印本，进行了点校整理工作。

民国《铜仁府志》缩印本问世，距今已半个多世纪。它是一部内容丰富的地方史书。有《天文卷》、《地理卷》、《营建卷》、《学校卷》、《食货卷》、《物产卷》、《秩官卷》、《武备卷》、《人物卷》、《列传卷》、《列女卷》、《艺文卷》、《杂记卷》等志目，共二十卷，约 60 余万字，是考证黔东从夏商以来直至清末的历史、地理、政治、经济、文化、社会、民族等问题的珍贵资料。同时，在历史、地理方面还涉及到一些邻区邻省的情况。因此，有相当广泛的史料价值，是资治育人的好教材。

史学家赞誉方志为“博物之书”，章学诚则说它起着“补史之缺、参史之误、详史之略、续史之无”的重要作用。民国《铜仁府志》缩印本，是前人留下来的有相当丰富的文化遗产，是一部瑰丽的巨著。但就其内容来说，必然受时代的影响，有一定的局限性，我们也不苛求于前人。

我区各级政府，正在组织力量编写社会主义第一代新方志。民国《铜仁府志》缩印本整理点校出版，正是为继承我国修志的优良传统，贯彻“古为今用”的方针，为社会主义物质文明和精神文明建设作出的一点有益的贡献。

中共贵州省铜仁地委书记
贵州省铜仁地区行署专员

罗子文
一九九一年元旦

出 版 说 明

一、原民国缩印《铜仁府志》为二十卷六册，点校后合印成一卷本。

二、原书系直排，现改横排。原书无标点，现加标点，繁体字一律改成简化汉字。错误的字、词仍照抄，而在其后用圆括号改正。对衍文加方括号表示，对缺文用方框表示。

三、原书中对农民运动的带贬辱和历史偏见性的称谓以及原书其他观点的错误，为保存原貌，不加纠驳。

四、原书插图均照原样复制后分别插入原位。

五、在民国缩印《铜仁府志》点校本出版之际，我们特向热情关怀、大力支持此项工作的吴有海、曾庆华、舒大坤、安高发、吴本固、于功谦、吴洪元、孙凡权、张国良、龚晏彪、祝黔赣、周华安、杨桂芝、张亚林、王龙虎、张维加、雷启明、裴长林及贵州地方志办公室、铜仁地区地方志办公室、铜仁地区档案馆、铜仁地区财政局、铜仁市档案馆等同志及单位表示由衷的感谢。

由于我们水平有限，条件不足，加之原书字迹漫漶不清，点校工作的疏漏和错误，在所难免，敬请读者批评指正。

点校工作顾问：陈福桐

点校工作主持人：谢 良

参加点校人员：（按姓氏笔划排列）周其开 祝秉权

全书由谢 良统审定稿

印刷校对：（按姓氏笔划排列）王治权 龙耀江 冯明文 刘兆福 周其开

张春发 张 强 赵幼立

封面书名题写：张星槎

前言英译：李庭宇

照片提供：（按姓氏笔划排列）李 杰 陈尚荣 尚源华

中共贵州省铜仁地委办公室档案室

贵州省铜仁地区志·党群志编辑室

1991年1月



梵净山金顶

缩印铜仁府志缘起及经过纪事

盖闻睹故家乔木，辄兴文献之思，过武梁旧祠，乃考冠裳之迹。从来宋杞犹不足征，若隋沧桑，益难传信。是知地方志乘，关系人文，而爱护保存，未容漠视矣。况值阍浮浩劫，文化摧残，秘苑珍藏，俄顷灰烬。欲祈信史之不隳，端赖余绪之阐扬。此本会所以于民国廿二年有发起缩印府志之举也。考府志清代纂修者有二：一成于道光之际，为徐通政雨荃主笔。其时海宇升平，人材蔚萃，故一郡文献大备于斯。一成于光绪十八年，系喻竹君明经重加编辑，物力宏富，甄采精详，光大发皇，亦能继绍鸿业，居诸日月。瞬又五十余年。第以历时久远，遗佚良多，综什袭于私家，类仅存之硕果，纳楹凿壁，泯没堪虞，重印发行，宁容再缓？惟是喻辑根据徐编，犹唐书之有宋儒，五代史之有欧薛，各擅其美，并重艺林。同印为势所不能割爱，又莫知取舍，爰集众议，详加研商，金以喻本告成在后，搜集较详，俾广流传，喻纂为当。复将原本内之乐章、乐谱及唱和诗词等，于志乘无关者，略事节出，由本会专存，俟日后纂辑地方掌故、交征各编，再行载入。事经决议，非敢有所轩轻也。窃叹举办一事，言之匪艰，裘葛迭更，剗剗乃竟。其间时势既阨，非常，一切物质复波动剧烈，倘非桑梓贤达赞助，锡比百朋，即此铅槧工程停顿，屡濒一簣。检讨经过，不禁汗颜。兹幸全部已告厥成，将来新志重修，得资蓝本，往事参考，亦获泉源，实为地方之幸，不仅本会区区抱残守缺，显幽发潜之微意已也。民国三十五年丙戌秋，铜仁文献委员会主任委员谢家修谨志。

序 (一)

自封建易为郡县，则今之守土，古之诸侯也。侯国莫不有史，如晋之乘，楚之檮杌，鲁之春秋，名异而实同。今郡县之有志，其即古史之流欤！然后世国史之成，每在一代鼎革之余，而郡县志或数十年而一修，或百余年而一修。其急有倍于国史者，何也？盖封建之时，各郡其国，各子其民，故蒙业而安，因俗而治，为理较易。至更为郡县，朝除暮迁，未有十年不量移者。即良有司莅斯土，所为山川之扼塞，风俗之纯浇，学校典礼之留贻，民赋兵防之沿革，以及忠臣孝子足备劝惩，流风善政可资则效者，鲜不昧其所宜。惟取郡县志伏而读之，靡弗了然于心。如其所素习，而由是举而措之，有见为裕如焉尔。则即谓志为致治之书，未尝不可。考铜仁府志，纂于道光甲申乡先生徐银台之手，迄今六七十年，未有继者。余子戊子春来守是邦，下车后，视职所当为者，次第设施。复与郡人士谋及于斯，金曰弗可再缓。爰延喻竹君明府、胡荷舛选贡膺秉笔之任，而以二三君子共襄厥事。余亦时至其间，相与上下议论，往复商榷，务期折衷至当。即于是岁仲冬开局从事，迨己丑夏初，瓜代期及，余不能躬毕其役，良用怅然。第人之好善，谁不如我？行见踵而行之，俾得勒为成书，以为贤司牧之龟鉴，庶几后之莅斯土者，蒙业而安，因俗而治，虽谓古封建之制，至今存可也。况推而广之，国史之搜罗，一统志之采辑，胥于是在。殆与古职方之贡，太史之陈，相为表里，而因以佐圣明，居中宅，外不遣遐荒之治，詎不盛欤？备掌故以修吏职，守土者之贵也。然则斯志之修，余又乌乎能已哉。是为序。

光绪十五年岁次己丑夏四月朔日，关中余上华撰。

序 (二)

郡县何为必有志也？昔禹贡撮九州之山川、疆域、物产、土宜，与夫田赋、职贡、道里、风气，于一千一百余言中，罔弗赅备。嗣是周礼职方氏之所掌，班固地理志之所纪，准其书而少变焉。是即后世言志者之所祖也。铜仁隶黔东偏僻处一隅，固与中原大郡有殊。然山水明秀，蔚起人文，其涵濡于国家德泽，以渐摩为风俗，鍾毓为英奇，休养生息为民物之滋丰，礼乐兵农为政治之咸理，皆不可以不志。余于己丑夏来摄郡篆，前守余君芾丞方修郡志，具有规模。不才何幸，乃得承乏其后。公暇之余闲，尝至局，与纂修喻胡两君商榷参订。凡所纪载，务期毋滥，毋冗，毋陋，毋诬，折衷于班固地理之志，周礼职方之掌，以上追禹贡之赅备，庶几不负余君勤勤恳恳创修之心。岂余之不惮烦哉！考旧志修于嘉庆之季，今又七八十年矣。过此无成，久则文献俱湮其泯灭，何可胜道？此固良有司之责也。余敢让芾丞独为君子乎？是年冬，余以忧将去任。时胡君已作古。喻君出志稿请序。窃念一行作吏，管城子恐弗听指挥矣。虽然以修志之役获，与在事诸君结文字因缘，此后南辕北辙，天各一方，今日之序，岂专为志序乎？亦兼以叙宦海之升沉，萍踪之离合而已。诸君勉乎哉！他日书成，尚寄我于潇湘云梦间，俾得先睹为快，且不啻读班固之志，周礼禹贡之书，安见郡县志遽不足与经史并重也耶！是为序。

光绪十五年己丑岁冬月，署铜仁府知府知思南府事，湖南益阳周开铭撰。

序 (三)

郡邑之有志，非仅为一隅计也。将以供一统志之采辑，四库馆之搜罗。故上而天文，下而輿地，以暨人物、典礼、风俗、政治靡所不备，体例一准于史。是非有班马之才，上下古今盛衰沿革之故，其何以总挈宏纲，条陈细目，综数千年事实，约数百里山川于指掌间耶！余自翰林改官来黔，浮沉簿书中，诚无一足述。继任普安有年，措置稍裕，乃得与彼都人士议修厅志。书甫成，适奉檄移守铜仁。及莅事，询悉铜志之废而不修，已阅七八十年矣。幸得前守余公芾丞，观察设局修纂，延郡绅喻胡两君主之，委任颇得其人。未几，承余公后者为前辈周桂午先生，守而勿失，有如参之于何，所谓莫为之前，虽美弗彰，莫为之后，虽盛弗传，殆为两公言已。余政暇过局，索观志稿，其为书二十卷，体例精严，条分缕晰，简而有要，详而非诬，虽武功石湖之志，无以过也。时胡君已下世，笔墨之役，惟喻君独肩其任，亦勤劬矣哉！余携有普安志，因以为赠，冀效切劘。其卷端一序，出自郢作，颇为喻君许可，且乞所以序铜志者。顾念余仆仆为风尘吏，学殖荒落久矣。兹乃欲以案牍伎俩，序班马著述，不自增惭汗矣乎？虽然行将卸篆，去有日矣，惧无以复喻君命，遂洒毫书此，忝附于余周二公后，以为之序。

光绪十六年庚寅仲秋月，调署铜仁府事特授普安直隶同知、长沙曹昌祺撰。

旧 志 序 (一)

西南隅之入中国版图，黔最后。计设府十二，直隶同知三，直隶知州一，知州十三，知县三十四。民夷杂处，争斗相寻，自前明以来，为用武地。文献之徵，仅有全省通志一书。各邑志乘多缺如。使者念之歉然也。国仁己未会试，出铜仁徐雨荪师门下。师适以予告家居，而廉朗峰方伯又与吾师为儿女亲，因以铜仁志为请。师谓年力就衰，恐不能善其事，嗣得长伯敬廉阶摄铜仁郡篆，国仁与朗峰各附书敦致前意。廉阶又亟商于前任太守陈春宇。春宇亦以此事为不可缓。因其关公请吾师纂辑之，其载在案册飭史详查者，为廉阶分劳，而襄办者为滇南郑藻林。始其事于癸未十二月至甲申三月。书成，廉阶驰寄全稿。公徐读之至再三。体例赅备，词句雅洁，采辑无漏脱也，援引无支蔓也。铜仁自设府郡至今，几五百年所矣。其人与事有可传于后者，半销蚀于文献之无徵。今得是书，沿流溯源，厘然可考，卷帙虽无多，夫亦可以无憾矣。廉阶丐予一言首其篇。廉阶去，接署郡事为通州刘向斋，亦吾师，任少京兆府试所得士。向斋知有是举，欣然任之。又贵阳王孝廉味莲客铜仁。味莲亦吾师之弟子，工于书，一手缮写成篇。向斋付之剞劂。两阅月，镌工告竣。向斋又两次书来，亦欲予为之序。伏念此编为雨荪师之笔，而诸君子乐成其美者，国仁所谓游夏莫能赞一词，敢言序乎哉！敢言序乎哉！忆去年初至贵州，于地方情形多有未晰，请质雨荪师，来书有欲与为榘于无穷，只是相安于无事云。国仁谨铭之座右。又拟延主贵山书院，辞弗就，每念之方恨负笈之无缘。今得是编，时一检阅，如亲侍臯比焉，欣幸为何如耶。敬书数言，用志是书所由成，以昭国家久道化成之治。而贵州各郡邑闻风兴起者，当不让兹事之独美于铜仁也。抚黔使者中州程国仁撰。

旧 志 序 (二)

黔于古为群荆荒服，相仍必使之归版图、置郡县者，诚以无黔则粤蜀之臂可把，而滇楚之吭可扼。王公设险以守其国险之时，义大矣哉。铜仁处万山之中，为省治极东北，毗连五寨四十八溪，而松桃二营，昔隶铜仁者，俗名三不管，实綰楚蜀之枢。是则黔于他省为险，而铜仁又黔之尤险也。周礼土训掌道地图，以诏地事，道地愿以辨地物，疆理攸分，志乘斯作。铜仁僻处一隅，记载缺如。前此有志作于鼎革之初，遗漏滋多，体例未备。考永乐十一年始设贵州布政使，领思南、思州、铜仁等八府，暨宣德中，省乌罗入铜仁土字版章居。然从邾莒之后，我国家声教远被，奋武撰文。自康熙之四十二年，一平红苗而设同知驻正大营，雍正九年，再平红苗，以正大营同知移驻松桃，乾隆六十年，又平苗而改松桃为直隶厅。迄于今，相维相系，偶俱无猜。民无劫掠之虞，地无诛求之苦，含醇咏德，咸与维新。盖化泽之涵濡久矣。夫田赋、租庸、疆域、形胜，实与治道相权衡。东南膏沃之区，商贾辐辏，山林、坟泽、园廛、关市之所出，大府藉以充盈。至如铜仁蕞尔遐陬，地鲜平原，民无积粟，驭之得其道，则民治，而苗亦治，黔之民苗治，而楚亦治。驭之不得其道，则蠢尔煽动，负固跳梁。竭东南数十百州县之财，不足以供军储之费。反是而思，而知不可不求所以治之也。余备位黔藩二载，思欲修黔志而未遑也。徐雨荃通政与余为至戚，时致仕在籍，纂修铜仁府志。既成，有司属余为之序。凡十二卷，八志，六十一门，发潜阐幽，拾遗补缺，视前志之寥寥卷帙者，顿觉改观。抚斯土者，考建置之沿革，辨物土之异宜，览风俗之淳良，议苗夷之控制，实足以增光史乘而裨益临民，既服其搜讨之勤，且愧余之有志而未逮也。或曰：铜仁者，以长官司署有铜人三，因以为名；人者，仁也，渐仁之化，于是乎存。是为序。藩黔使者秀山廩奇瑜撰。

旧 志 序 (三)

甚矣哉，时之难乘也！天以时而成岁，人以时而成务，著述亦必以时而成书。铜仁郡自改土归流，而后涵沐圣化，累百余年，山川辟朗，人物敦庞，中间节孝忠义，比比有人，乃仅旧志之本，湮漫莫考。前此守土者，多以公务倥偬，未遑议及。迨刘仙圃、沈戴山两郡守留心典故，有意纂修。值苗匪跳梁，军需旁午。后之继者，屡欲经营，辄厄他事，遂复中止。数十年来，文章事迹又几泯灭于日来月往之中。甚矣哉，时之难乘也！癸未冬，余守是邦。徐春帆先生赋闲里居。余下车伊始，即与前郡守陈春宇相商。念郡不可以无志，亟聘先生修纂。时年岁告丰，公庭讼简。余为咨访旧遗，检查陈牒，归之先生。因殚精研虑，纂述前闻，阐清德之幽光，揽全郡之形要，次而天文、地理、营建、食货、秩官、武备、人物、艺文八门，共成书十一卷。条分缕晰，朗若列眉，续有搜葺，系以补遗，铜仁专乘，始称大备。先生之志成矣，先生之功伟矣。然而蓄志于数十年之久，告成于三四月之速，匠心独运。襄校者仅蕙林郑君一人，其用心岂不良苦矣哉！乃甫议开雕，余适罢组，刘尚斋郡伯继来权篆，乐成其事，捐俸集工。适幕中味莲王君工楷书，手录全部付梓。从此郡之山川人物，有以乘不朽于将来。谓非时之可乘，其何能如斯之速且备也。先生属序于余，鄙拙不文，谬制承命，他日装完赐寄，俾观其成。幸甚，幸甚！

道光四年岁在甲申秋九月，前署贵州铜仁府事原任石阡府知府长白敬文序。

凡 例

——铜仁自前明永乐置府，几近五百年。迨入国朝，志凡三修：一在顺治末，一在康熙中，最后则道光初为徐雨荃通政所纂。方通政纂志时，即云：前志卷帙寥寥，事多未备，今相距又百数十年，中间不可考者尤伙。由是观之，通政续修已承残缺之余，况值退老家居，春秋既高，精力无几。其事始于癸未季冬，终于甲申暮春。为期过迫，采辑难周，论者不无遗憾。此次修纂，计阅年余，悉心网罗成书，两倍于旧，较昔差详。惟资用不继，只此二三同志相与仔肩，未免有事浮于人之欢。所幸士林诸好，尚不遐业，凡有见闻，即以相饷，参互考订，集益为多。至于补苴罅漏，巨所未逮，则尤有望于后之博雅君子焉。

——府志之修，初倡议于前守王公宪，曾梗于舆论而止。及余公上华莅任，询悉群情踊跃，乃择日开局纂辑，犹虑事有中变，命随纂随刻，期在必成。不知著述一途，果欲勒为成书，往往稿经屡易，方称善本。况志书之修，其编列先后，条陈纲目，必合全稿参酌，乃能体例无乖，廛然不紊。兹既随纂随刻，或应列于前，而采访所得稍晚，或应人某类，而本条刊刻已完，不能不有错杂漏遗之弊。书成，检阅再三，可补者补之；可正者正之；其限于所无如何，则惟阅者谅焉。

——旧志建置，只列大概。不过载禹贡入荆州境，秦属黔中地，汉为武陵，隋为沅陵等郡而已。兹为博考群籍，证以列史，其间沿革兴废，虽未确见周知，而源流所合，端绪可寻，上自周秦，下迄明代，历历陈之，眉目灿列，并为沿革表以附，二千年之迁流，可览而识焉。

——县治初置，即附府郭。故旧志惟疆域田赋系属分载，余皆合为一编。今县志虽移江口，为时未久，一仍其旧。此后志书之修，或分或合，想踵事增华，异日必有高明者出而酌之。

——旧志图说所绘，仅存形似及四至界限而已。山川水道，既欠分明，洞乡塘泛，名目亦未载列，直若空空画幅。兹仿舆图开方以十里为一方，眉目较清，其外县之插入境内者，百有余所，尤必细细注出，以资守土者一览而得。择要设防，按籍征赋，均关兵农大政，用加详焉。

——旧志学校无专门，殊未赅备。郡县之设，首重教化，学校实为先务，安可阙如？兹于庙制规模、祭祀典礼、先贤先儒事迹，暨其从祀年月，一一胪列。诚以郡隶边隅，见闻稍隘，故不惜远引博征，宁繁毋简。至于书院、考棚、义塾、培文局，凡事关学校者，咸以类从俾有所统。

——旧志兵事仿通志，作师旅考，兹易为记兵质言之也。郡自咸丰五年以后，教匪未清，苗氛继炽，境内无日不有贼踪，起灭无常，剿防互用。如缕晰陈之，前后二十余年，几

有书不胜书之势。今择其有关大局与郡城安危相系者，撮要纪之，非有意从略，亦体制宜尔也。览者尚其鉴诸。

——自道光季年，军务蜂兴，文武员弁，没于王事者不少，欲皆编次列传，藉为表扬，又或仅传姓字，事实无征。更有叠次出师，阵亡兵勇，惟余名籍可稽，他无所见。兹则无论员弁兵勇，但系效命疆场，为国捐躯，一一采入忠义。其中，节烈昭著，勋绩可述者，另为注明，行译列传，以示区别。此外事实虽缺，姓字犹芳，凛气英光，何尝不并存宇宙也。

——旧志于前辈名宿及先达诸公，只数人有传列入艺文外，则流风余韵一无存者。兹将艺文所载改作列传，其他广为搜罗，或我生之初，目睹典型，或故老相传，耳熟梗概，悉为纪述，附于列传。虽繁简不一，而溯厥风徽均堪不朽。惟前明诸贤，事实大半无考，如陈氏、饶氏一门，群从科第蝉联，乃皆声闻寂寂，要亦文献无征之故。然有遗迹可寻，必为采录，未忍尽付湮灭。

——列传中有一人两载者，如杨燦，既见治行，复入忠烈，盖其人其事各有难泯，则分著之，而详略攸殊，两不相掩。阅者勿以重复见讥。余如此例。

——列女中节孝贞烈，其得诸见闻亲手编纂者无多，余皆自城乡采访汇送，叙次不无冗琐，特发潜阐幽，未便涂乙，惟词不达意者，稍为疏明要之。事出数手，则参差不齐，先后失序，弊所不免。阅者鉴之。

——编撰列传，他志于见在之人，不录，必俟盖棺论定，乃为有准。所收艺文，如作者尚存，即为摒去，恐涉标榜。二者非不允当。惟我郡僻处，杰出无多，体例过严，则可采愈少。但使其人有堪纪述，足信无他，其文颇有发明，足垂不朽，将褒扬所及正以许其已至，勸其将来，励晚节而保令名，自爱者必加勉焉。

——编选艺文，其已载旧志者，如一人之作所存尚多，则留其佳者，而未尽善者删之，不失成人之美。如一人所存无多，虽未尽善，不敢轻去，恐没其文，即没其人，非所以忠厚存心也。兹于旧志艺文，遇有字句微瑕，略为删润，非敢僭妄，抑以引嫌太过，转非古人相望之心。此中委曲，览者必能原之。

——艺文所收今人之作，必关系阐扬标举名胜，或于治乱废兴可资考证者，方与其选。其余吟风弄月，滥作八景诗者不录。惟前哲所留不在此例，非但存文，实所以存人也。未可一律而论。

——杂记一卷附于志后。凡属漏遗及列于各门容有未合者，均补录于此。又本郡轶事，足备劝惩而资考镜者，亦略登一二。其间或熟于耳闻，或得之目击，尚非无稽之谈，即流传小异，但于大体无乖览者，亦不必强求其合，转滋聚讼。

——修史具有三长，而修志宜兼两事。盖考据、著述不可偏废。无考据之学，则援引失实，辩证不精。无著述之才，则叙次繁芜敷陈鲜当，貽讥识者，莫此为甚。兹因亟于修纂以刻不可缓之，图为就地衡才之见，随举一人承乏其间，汲长绁短，竭蹶时形。非任此者，敢冒昧从事。惟念旧志之修，迄今七八十年未有继者，中间戎乱叠经，孝子仁人忠臣义士，哉待表彰，过此不为，久将悉付泯没。筹虑及斯，慙焉滋惧，益以贤侯雅意难违同侪劝驾维殷，此秉笔者所为，责无可贷，明知百出瑕疵，难弥指摘，而比诸兔圆以为底本，他日作者踵兴，从而删润，较之毫无凭藉者不易为力耶。区区之心，只此而已，知我罪我，其两听之。

铜仁府志纂辑銜名

鉴定

三品銜，分巡贵东古州等处地方兵备道前知铜仁府事内阁中书

袁开第

创理

三品銜，即补道遵义府知府调署铜仁府事前户科给事中

余上华

续理

鉴运使司銜，思南府知府调署铜仁府事前翰林院编修

周开铭

三品銜，普安直隶同知调署铜仁府事前翰林院庶吉士

曹昌祺

三品銜，铜仁府知府

冯嘉鹏

协理

同知銜，铜仁县知县

王佩行

前翰林院庶吉士，铜仁县知县

胡瀛涛

纂修

岁贡生，江苏即补知县

喻勋

癸酉科选拔侯选直隶州州判

胡长松

协纂

乙酉科举人

唐仁沛

大定府训导在任遇缺尽先选用知县

罗允敦

光禄寺署正銜，前龙里县教谕

张荫棠

壬午科举人

卢廷俊

壬午优贡朝考一等检用知县戊子科举人

曾寿祺

总采

辛酉科选拔侯选，直隶州州判

杨储英

升用员外郎，内阁中书，丁卯科优贡

曾贯一

乙酉科举人

陈书培

乙酉科选拔侯选教谕

孙承霖

蓝翎同知銜，签掣分省补用知县

罗介福

岁贡生

伍次璜

岁贡生

萧廷芝

采访

辛卯科举人颜德辉

岁贡生	戴应铸	岁贡生	杨秀熙	岁贡生	蒋文柱
岁贡生	吴家让	岁贡生	罗廷赞	恩贡生	刘天佣
廩膳生	杨汝汉	附学生	杨炳坤	附学生	杨烈中
廩膳生	杨德政	廩膳生	黄荫樾	廩膳生	徐振基
廩膳生	向如愚	廩膳生	陈 经	廩膳生	翁寿增
太学生	徐本坤	附学生	文应奎	太学生	谢仲岳
太学生	陈朝栋	例贡生	徐锦香	武 生	杨策斌
武 生	夏奠山	武 生	杨再鳌		
检 校					
岁贡生	唐仁溥	廩膳生	张荫棣	廩膳生	吴炳煊
廩膳生	杨培善				

绘 图

癸酉科拔贡候选，直隶州州判

辛酉科拔贡候选，直隶州州判

前铜仁协守备署理都司

督 刊

署铜仁府经历

署铜仁府经历

铜仁府经历

铜仁府移驻万山吏目

铜仁县典史

胡长松

杨储英

王国升

冯培德

范祖年

胡应奎

蒋太和

王嗣鼎